

皆是所緣何獨四諦答應作是說此不依攝  
 不依所緣而作是說然於建立四聖諦時慧  
 用最勝故作是說於四聖諦應知慧根如於  
 建立四證淨時信用最勝故作是說於四證  
 淨應知信根如於建立四正勝時精進用最  
 勝故作是說於四正勝應知精進根如於建

立四念住時念用最勝故作是說於四念住  
 應知念根如於建立四神足時定用最勝故  
 作是說於四神足應知定根此中亦亦有作  
 是說此依所緣問慧根既能緣一切法何獨  
 四諦作是說耶答若法有漏無漏慧緣此中  
 偏說虛空非擇滅惟有漏慧緣故此不說

說一切有部發智大毗婆沙論卷第七十七 廉七  
 刺棘上七賜反 弊下居力反 亦毗反 矯詐上居  
 梯蹬上他力反 臺觀下音 祠祀下音

十五末

阿毗達磨大毗婆沙論卷第七十八 廉八

五百大阿羅漢等造 三藏法師玄奘奉 詔譯

結蘊第二中十門納息第四之八

如契經說尊者舍利子作如是言諸善法生  
 皆四聖諦攝趣四聖諦問三諦有為說生可  
 亦滅諦無為既無生義如何可說諸善法生

攝在四諦答此經意說諸善法生無不攝在  
 四聖諦中不言四諦一一皆攝所生善法於  
 理何違復次生有二種一有自性故名為生  
 二從緣起故名為生有自性故名為生者生  
 言顯體非滅壞義從緣起故名為生者生言  
 欲顯從緣起義諸善法中具二生者三諦所

攝惟有自性故名生者滅諦所攝故經所說  
 示不違理復次生有二種一作用生二彼得  
 生諸善法中具二生者三諦所攝惟彼得生  
 者滅諦所攝擇滅雖不生而得生故脇尊者  
 曰此契經中說諸忍智名所生善此諸忍智  
 隨應攝在四聖諦中不言徧攝言趣諦者是

緣諦義謂苦忍苦智道諦攝緣苦諦集忍集智道諦攝緣集諦滅忍滅智道諦攝緣滅諦道忍道智道諦攝緣道諦

如契經說佛告苾芻一切如來應正等覺說拔濟法謂四聖諦宣說開示四聖諦法拔濟有情出生死故問何故說此拔濟法耶答欲

顯要由自勤修道有拔濟義不由他修云何知然契經說故如契經說有婆羅門名道德迦來詣佛所到已頭禮世尊雙足合掌恭敬而說頌言

誓首此人間 勇猛真梵志 淨眼普觀照 願能除我疑

問今此頌中欲顯何義答彼婆羅門稟性懶惰謂他修道能除自惑故對佛說愛語伽他欲顯世尊是天梵志乘勇猛願來生人間為濟有情已修聖道惟願哀愍除我疑惑世尊於是為說頌言 我於脫汝疑 必無自在力 要汝見勝法

方能越瀑流

今此頌中世尊欲顯無他修道斷自惑義若有此義我坐樹下修聖道時一切有情煩惱應斷我於一切具大慈悲而諸有情惑未頓斷故無他道斷自惑義如他服藥自病不除要自服藥其病方愈由此故知要自修道有

廉八

二

拔濟義不由他修是故世尊說拔濟法此拔濟法即四聖諦欲令有情依此修道見四聖諦斷自疑惑問言拔濟者是何義耶答從險難處引諸有情置平坦處故名拔濟險難處者謂異生性如深坑谷及山巖等諸可畏處平坦處者謂諸聖性如大玉路由佛宣說四

聖諦法從異生性極險難處引諸有情置諸聖性極平坦處謂令入道及得道果故名拔濟復次從平等處引入正性故名拔濟平等處者謂世第一法正性者謂苦法智忍由佛宣說四聖諦法引諸有情從世第一法入苦法智忍故名拔濟復次從大苦處引諸有情

置大樂處故名拔濟大苦處者謂生死大樂處者謂涅槃由佛宣說四聖諦法引諸有情令出生死得大涅槃故名拔濟問何故四諦名拔濟法非界處蘊等觀四聖諦入道得果雖染盡漏觀界處蘊不如是故復次觀四聖諦令所化者近入聖道近證法身觀界處蘊

是遠加行謂修行者遠加行中初習業位觀十八界已串修位觀十二處超作意位觀於五蘊煖頂忍等近加行中方觀四諦能入聖道證果法身故惟四諦名拔濟法

問言聖諦者是何義耶為是善故名為聖諦為無漏故名為聖諦為聖者成就故名聖諦

廉八

三

耶設尔何失三皆有過所以者何若是善故名聖諦者四中後二可名聖諦惟是善故前二既通三種如何亦名聖諦若無漏故名聖諦者四中後二可名聖諦是無漏故前二既有漏如何各聖諦若聖者成就故名聖諦者非聖者亦成就如何獨名聖諦如說誰成就

苦集諦謂一切有情誰成就滅諦謂不具縛者若應作是說聖者成就故名聖諦問若尔善通前二種難第三難云何通答聖具成四故名聖諦異生不尔問亦有聖者不具成四如具縛者見道初心滅諦尔時猶未成故答時分少故非如異生謂具縛者見道初心雖

未成四此後必具成就四種異生恒時不具成四是故苦等獨名聖諦復次聖者品中有具成四故名聖諦異生品中無成四者故非彼諦復次若聖法印印相續者得聖者名彼所有諦故名聖諦復次若已得聖所愛戒名為聖者彼所有諦故名聖諦復次若已得聖慧名為聖者彼所有諦故名聖諦復次若已得聖奢摩他毗舍舍那名為聖者彼所有諦故名聖諦復次若已得聖財名為聖者彼所有諦故名聖諦復次若已入聖胎名為聖者彼所有諦故名聖諦復次若已得聖覺支道支名為聖者彼所有諦故名聖諦尊者僧伽

筏蘇說曰佛在世時異生聖者共興諍論諸異生說諸行是常樂淨有我諸聖者說諸行無常苦空非我諸異生說我言是諦聖者復說我言是諦為滅諍故共詣佛所請佛決之佛作是言聖言是諦餘言非諦所以者何聖於苦等現知見覺所言是諦異生不尔是故

四諦惟屬聖者非諸異生故名聖諦尊者世友作如是說如是四諦惟諸聖者聖慧通達故名聖諦

問苦聖諦云何答如契經說生苦老苦病苦死苦非愛會苦愛別離苦求不得苦略說一切五取蘊苦是名苦聖諦應知此中與生相

康八

四

合故名生苦與住異相合故名老苦與逼惱相合故名病苦與滅相合故名死苦與非愛會相合故名非愛會苦與愛別離相合故名愛別離苦與不自在不隨所欲相合故名求不得苦如是諸苦皆是有漏取蘊所攝故名略說一切五取蘊苦復次生是一切苦安足

處苦之良田故名生苦老能衰變可愛盛年故名老苦病能損壞可愛安適故名病苦死能斷滅可愛壽命故名死苦不可愛境與身合時引生眾苦故名非愛會苦諸可愛境遠離身時引生眾苦故名愛別離苦求如意事不果遂時引生眾苦故名求不得苦如是諸

苦皆是有漏取蘊所攝故名略說一切五取蘊苦問五取蘊苦其量廣大何故名略答苦雖廣大而略說之故名為略謂五取蘊苦患極多不可廣說欲令所化摠生厭離故略說之譬如有人多諸過惡不可廣說有問彼過但可摠答是極惡人言雖是略而過甚廣此

亦如是故名略說五取蘊苦

問於諸蘊中為有樂不設尔何失二俱有過所以者何若諸蘊中亦有樂者何故名苦諦而不名樂諦若諸蘊中全無樂者契經所說當云何通如契經說大名當知色若一向有苦無樂非樂所隨不生喜樂遠離樂者有情

康八

五

不應為樂於色起貪起著以諸色中有苦有樂亦樂所隨亦生喜樂不離樂故有情為樂於諸色中起貪起著乃至於識廣說亦尔又說三受各定建立不相雜亂謂樂及苦不苦不樂

又契經說道依資糧涅槃依道以道樂故得

涅槃樂道既是樂如何蘊中可說無樂

答應作是說於諸蘊中亦有少樂以諸蘊中苦多樂少少從多故但名苦蘊如毒瓶中置一滴蜜少從多故但名毒瓶諸蘊亦尔樂少苦多惟名苦諦有作是說於諸蘊中全無樂故但名苦諦問若尔經說當云何通答相待

立名假說有樂謂受上苦時於中苦起樂想受中苦時於下苦起樂想受地獄苦時於傍生苦起樂想受傍生苦時於鬼界苦起樂想受鬼界苦時於人苦起樂想受人苦時於天苦起樂想受有漏苦時於無漏道亦生樂想故說有樂復有說者若依世間施設於諸蘊

中亦說有樂謂諸世間飢時得食渴時得飲寒時得煖熱時得冷行疲倦時得車馬等皆言得樂若依賢聖施設於諸蘊中應說無樂謂諸聖者從無間獄乃至有頂諸蘊界處皆等觀見如熱鐵團評曰應知此中初說為善苦多樂少但名苦諦

問苦集聖諦云何答如契經說諸所有愛及後有愛喜俱行愛彼彼喜愛是名苦集聖諦問諸有漏法能為因義皆是集諦何故世尊但說集諦是愛非餘答愛於施設集聖諦中勢用增強非餘有漏故偏說愛是集非餘然有漏法皆是集諦如施設行蘊中思最勝故說思非餘而實相應不相應行皆是行蘊是故偏說愛為集諦復次愛是三世眾苦因本道路由緒能作生緣集起勝故偏說集諦復次愛能數數招集苦果勝故偏說如有頌言如樹根未拔 斫斫還復生 未斷愛隨眠數數感眾苦

廉八

六

復次愛於有情能燒能潤是故偏說因時能潤果時能燒如熱油滴墮在身時能燒能潤愛於有情亦復如是復次以愛能起如起尸鬼能招生業是故偏說如有水處有起尸鬼能起死尸有愛身中有招生業能招生死復次以愛能攝有情無情內外諸事是故偏說攝有情者由愛勢力攝愛妻子奴婢作使象馬牛羊駝驢等事攝無情者由愛勢力攝受宮殿舍宅珍財及穀麥等復次愛能長養男身女身是故偏說謂諸有情由愛勢力能正供養父母師長及能養育妻子作使朋友眷屬乃至禽獸由愛勢力從一谷中殘害生類持至餘谷養育其子復次以愛勢力欲得未來生趣自體由欲得故便起希望由希望故即便求覓由求覓故得生趣體故偏說愛復次愛能滋潤諸有生死令不萎枯是故偏說如水能潤樹木藥草令不萎枯復次愛能潤識生後有芽謂由愛力得入母胎滋潤精血

令住胎藏是故偏說復次若有所依所緣行相能起愛者即此所依所緣行相起餘煩惱猶如魚王所遊止處小魚皆隨此亦如是由此說愛各煩惱王是故偏說復次若相續中有貪愛者諸餘煩惱皆集其中如潤濕衣塵垢易著是故偏說愛為集諦復次若相續中  
廣八  
 有貪愛水諸餘煩惱皆悉樂住如有水處魚蝦蟆等皆悉樂住是故偏說復次愛如熾火能燒一切又如鹹水飲無足時是故偏說如熾火中投諸物類悉皆燒盡無充足時又如渴人飲以鹹水隨飲隨渴無厭足時如是身中未離愛者貪著境界無滿足時復次愛能和合別異有情令不別異是故偏說如水和合別異砂等令不相離復次愛令有情善法生惡無所堪能愛潤有情令有住著不能出離是故偏說謂諸有情由愛勢力所修善法生隨無能又潤有情令於生死所在執著不能超昇如蠅蜂等至酥油蜜濕皮等上膠粘

翅足不能飛空復次愛於有情因位果位所作有異是故偏說謂所起愛於諸有情因時隨順如善親友果時違害如惡怨家如諸商人入海採寶至一洲渚遇邏利斯先現善顏作諸愛語以禮供事請以爲夫後知委信方便誘引禁鐵城中飲食血肉漸至都盡惟有

餘骨愛邏利斯亦復如是先令有情嬉戲造惡後令墮惡趣受種種劇苦復次愛是起因是故偏說如契經說業爲生因愛爲起因生死流轉復次愛難斷離是故偏說如人忽遇二邏利斯一作母形難可免離二作怨形易可免離如有情未離欲染有二煩惱數數

現行一者貪欲難可斷離二者瞋恚易可斷離復次愛數現行微細難覺是故偏說如善旋師所用利器所有斷畫微細難知復次愛於有支漸立三種是故偏說謂初起時說名爲愛次增廣位說名爲取死後得果說名無明復次有十染法愛爲上首是故偏說如契

經說佛告阿難緣愛故求緣求故得緣得故集緣集故貪緣貪故著緣著故慳緣慳故攝受緣攝受故守護緣守護故執持刀杖鬪諍欺誑詭詐輕侮生無量種惡不善法復次愛於染污八等至中勢力增強是故偏說如說味相應初靜慮爲在定時味爲出定已味應

康八

言出定已味非在定時味乃至味相應非想非非想處廣說亦亦復次佛說貪愛縛諸異生如繩繫鳥是故偏說復次佛說貪愛如網如騰籠縛難免是故偏說復次佛說貪愛深廣難渡猶如大海是故偏說復次佛說貪愛長遠如何難可尋堪是故偏說如契經說言

長河者喻三種愛謂欲愛色愛無色愛復次佛說貪愛難斷難破難可越度是故偏說復次佛說貪愛多諸過患熾盛堅牢是故偏說長一切煩惱是故偏說由如是等種種因緣有漏法中惟愛一種世尊偏說爲集聖諦而

集聖諦非惟愛攝

問苦滅聖諦云何答如契經說即諸所有愛及後有愛喜俱行愛彼彼喜愛無餘斷弃吐盡離滅靜沒是名苦滅聖諦問既說諸愛無餘斷等名滅聖諦即集亦滅如何但說苦滅聖諦答此亦應說集滅聖諦而不說者是有

餘說復次已說苦滅當知即說集諦亦滅以苦與集是一物故復次若說苦滅應知已說集諦亦滅要滅其因果乃滅故復次為所化者欣樂滅故但說苦滅謂所化者於苦厭心勝於厭集無始時來為苦逼故今聞佛說苦滅聖諦便生歡喜言此弊惡眾苦滅盡其為

廉八

快哉由此喜心速求證滅由如是等種種因緣世尊但說苦滅聖諦而不說為集滅聖諦問趣苦滅道聖諦云何答如契經說八支聖道謂正見乃至正定是名趣苦滅道聖諦問此亦應說趣集滅道如何但說趣苦滅道答此亦應說趣集滅道而不說者是有餘說復

次已說趣苦滅道當知即說趣集滅道以苦與集非別物故復次若說趣苦滅道應知已說趣集滅道要滅因已果方滅故復次為所化者欣樂滅道故作是說謂所化者厭苦情深聞說此道能趣苦滅極生歡喜由此速能修道加行是故但說趣苦滅道復次欲顯聖道惟能遮苦令永不生故作是說謂設問道汝為有力令因非因果非果不道答不能然諸因緣能生苦者我能對治令不生苦是故但說趣苦滅道復次為欲遮遣於道誹謗是故但說趣苦滅道謂有幼年七八歲等證無學果乃至百歲壽命方盡於其中間受種種苦如受四百四病等苦世人見之便誹謗道言此聖道不能盡苦是故世尊作如是說聖道能滅後有眾苦由如是等種種因緣世尊但說趣苦滅道而不說為趣集滅道問何故世尊先說苦諦乃至最後說道諦耶答隨順文詞故作是說謂作是說文詞隨順

復次若作是說隨順說者受者持者非餘次第復次依現觀時故作是說謂次第法略有三種一生起次第二易說次第三現觀次第生起次第者謂四念住四靜慮四無色等諸瑜伽師先起身念住是故先說乃至後起法念住是故後說靜慮無色廣說亦亦易說次

第者謂四正勝四神足五根五力七等覺支八道支等雖四正勝俱時而有而易說故先說斷惡後說修善於斷惡中先說斷已生惡後說遮未生惡於修善中先說起未生善後說增已生善若作是說言詞輕便四神足等廣說亦亦現觀次第者謂四聖諦諸瑜伽師

於現觀位先現觀苦故佛先說次現觀集故佛次說次現觀滅故佛次說後現觀道故佛後說問因論生論何故行者入現觀時先現觀苦乃至最後現觀道耶答依麁細故謂四諦中苦諦最麁故先現觀漸次乃至道諦最細故

後現觀如學射時先射麁物漸次乃至能射毛端復次以迷苦愚能持迷集愚乃至迷滅愚能持迷道愚若未除迷苦愚終不能除迷集愚乃至若未除迷滅愚終不能除迷道愚故先現觀苦乃至最後現觀道復次以迷苦愚能引迷集愚乃至迷滅愚能引迷道愚若

未遮迷苦愚必不能遮迷集愚乃至若未遮迷滅愚必不能遮迷道愚故先現觀苦乃至最後現觀道復次以苦諦觀能引集諦觀乃至滅諦觀能引道諦觀若未起苦諦觀必不能起集諦觀乃至若未起滅諦觀必不能起道諦觀故先現觀苦乃至最後現觀道復次

以苦諦觀是集諦觀因本道路由緒能作生緣集起乃生滅諦觀是道諦觀因本道路中緒能作生緣集起若未起苦諦觀必不能起集諦觀乃至若未起滅諦觀必不能起道諦觀故先現觀苦乃至最後現觀道復次苦諦觀是集諦觀加行所依門安足處乃至滅諦

觀是道諦觀加行所依門安足處若未起苦諦觀必不能起集諦觀乃至若未起滅諦觀必不能起道諦觀故先現觀苦乃至最後現觀道勝尊者言修觀行者知五取蘊如病如癰如箭等已次求其因知是集諦次求無處知是滅諦後求對治知是道諦如奕弱人身

遭病等爲苦所逼便起念言我此病等因何而生知因風熱淡飲等起復作是念何當得愈知除滅時復作是念由何當愈知服藥等由此因緣故先現觀苦乃至最後現觀道復次修觀行者知五取蘊多諸過患次求其因次求其滅後求對治如人有子專行劫盜作如是念我子因誰而作此惡知因惡友復作是念子所行惡何時當止知調善時復作是念誰令調善知由善友由此因緣故先現觀苦乃至最後現觀道

問先因後果隨順次第何故行者先現觀苦後現觀集答知苦斷集次第順故問知苦斷

集順何次第答此順世間伐樹次第謂伐樹者先斷枝等然後拔根伐生死樹次第亦尔先知苦者如斷枝等後斷集者如拔樹根問先道後滅隨順次第何故行者先現觀滅後現觀道答證滅修道次第順故問證滅修道順何次第答此順所趣能趣次第若先說修

道後說證滅者不知此道爲是誰道若先說證滅後說修道者即知此道是趣滅道如人問他當示我道他反詰言汝問何道其人報言問某城道他遂答言此是彼道先說證滅後說修道應知亦尔舉滅示道順次第故復次諸瑜伽師先以緣三諦道斷迷三諦愚後

以緣道諦道斷迷道諦愚故先現觀滅後乃現觀道譬如有人先觀他面知其好醜後欲自知面好醜故取鏡照之由此因緣先現觀滅後現觀道

問現觀諦時爲觀自相爲觀共相設尔何失二俱有過所以者何若觀自相諸法自相差

康八

十二

別無邊應無觀諦得究竟者且地自相無邊  
差別觀未窮盡而便命終況更能觀諸餘自  
相若觀共相如何四諦不頓現觀復於何時  
以如實智觀諦自相於諦自相若不能觀云  
何名爲現觀諦者答應作是說觀於共相問  
如何四諦不頓現觀答現觀諦時雖觀共相

而不現觀一切共相謂但現觀少分共相然  
自共相差別無邊且地大種亦名自相亦名  
共相名自相者對三大種名共相者一切地  
界皆堅相故大種造色合成色蘊如是色蘊  
亦名自相亦名共相名自相者對餘四蘊名  
共相者謂色皆有變礙相故即五取蘊合成

苦諦如是苦諦亦名自相亦名共相名自相  
者對餘三諦名共相者諸蘊皆有逼迫相故  
思惟如有逼迫相即是思惟苦及非常空  
非我相亦即名爲苦諦現觀如是現觀若對  
諸諦各自相觀皆對諸蘊名共相觀由對語  
蘊名共相觀故現觀時名觀共相由對諸諦

各自相觀故於四諦不頓現觀復次一諦非  
四四諦非一故於四諦不頓現觀復次一行  
相非四四行相非一故於四諦不頓現觀復  
次有漏無漏相各差別故於四諦不頓現觀  
復次有爲無爲相各差別故於四諦不頓現  
觀復次果因所證能證各別故於四諦不頓

康八

十三

現觀復次以四聖諦或相有異或性相異故  
無一時頓現觀義復次能覺所覺根與根義  
行相所緣境與有境相各有別故於四諦不  
頓現觀復次於一一諦尚不頓觀況有一時  
頓觀四諦謂現觀位先別觀欲界苦後合觀  
色無色界苦先別觀欲界集後合觀色無色  
界集先別觀欲界滅後合觀色無色界滅先  
別觀欲界道後合觀色無色界道故無頓觀  
四聖諦義  
問因論生論何故行者先別觀欲界苦後合  
觀色無色界苦耶答依鹿細相而起現觀欲  
界苦鹿故先現觀色無色界苦細故後現觀

問若亦色界苦應先現觀無色界苦細應後現觀如何一時觀二界苦答俱定地攝故合現觀謂欲界苦非定地攝故先別觀色無色界苦俱定地攝故後合觀復次欲界苦與身俱現執受故先別觀色無色界苦不與身俱非現執受故後合觀復次欲界苦現病逼迫

如荷重擔故先別觀色無色界苦非現病逼迫如荷重擔故後合觀復次欲界苦現惱行者如現怨敵故先別觀色無色界苦非現惱行者如現怨敵故後合觀復次欲界苦近故先別觀色無色界苦遠故後合觀如近遠如是隣逼非隣逼和合非和合此身眾同分餘

身眾同分應知亦亦復次欲界苦現見故先別觀色無色界苦不現見故後合觀問入現觀位於色無色界苦若不現見云何各現觀耶答現見有二種一執受現見二離染現見入現觀位於欲界苦具二現見故各現觀於色無色界苦惟有離染現見故名現觀如商

賈者有兩擔財一自身擔二使他擔自身擔者具二現見一知重現見二知財現見使他擔者惟一現見謂知財現見復次欲界苦有善不善無記三種故先別觀色無色界苦惟有善無記二種故後合觀復次行者成就欲界異生性故先別觀欲界苦不成就色無色

廉八

十四

界異生性故後合觀色無色界苦謂法應亦若成就此界異生性者即先觀此界苦復次於欲界苦先起誹謗故先別現觀而生於信於色無色界苦後起誹謗故後合現觀而生於信由如是等種種因緣先別觀欲界苦後合觀色無色界苦三諦現觀准此應知

問若以共相現觀諦者復於何時以如實智觀諦自相於諦自相若不能觀云何名為現觀諦者答非如實智於諸自相以自相觀各諦現觀而如實智於諸自相以共相觀各諦現觀復次於諦自相共相無知現觀諦時一切頓斷雖觀共相而亦得名如實現觀諸諦

自相復次苦非常等名諦自相此於諸蘊即  
名共相故於諸諦觀苦等時即名現觀自相  
共相蘊等自相差別無邊觀之不能斷諸煩  
惱故現觀位不各別觀問入現觀時既摠觀  
蘊如何於諦不摠觀耶答入現觀時觀四諦  
理斷迷四諦別相煩惱無一煩惱摠迷四諦

故於四諦不摠現觀於諸蘊中有摠迷惑故  
於諸蘊得摠現觀又蘊自相非諸諦理無始  
已了故不復觀四諦自相無始未了故今於  
彼各別現觀

十五末

具列

說一切有部發智大毗婆沙論卷第七十八 廉八

嬾墮上郎罕反及下徒卧反平坦下他罕反串古患反諦同音字由緒  
下音擒獸字上禽萎枯為上烏反鹹咸二同音趺字  
膠粘交上音翅去音洲渚下音嬉遊之反旋師  
正詞總反輕侮武下音藤騰音奕弱字上軟淡飲音上  
音下怨敵徒上音數音數音頰音頰音頰音

阿毗達磨大毗婆沙論卷第七十九 廉九

五百大阿羅漢等造 三藏法師玄奘奉詔譯

結蘊第二中十門納息第四之九

如契經說苦聖諦應以慧徧知阿毗達磨說  
智所徧知謂一切法問若一切法是所徧知  
如阿毗達磨說何故契經惟說以慧應徧知

王祥

苦若契經惟依出世間慧說苦聖諦是應徧  
知阿毗達磨摠依世間出世間慧說一切法  
是所徧知如世間出世間有漏無漏縛解繫  
不繫應知亦亦復次契經惟依近徧知慧說  
苦聖諦是應徧知阿毗達磨依近遠慧說一  
切法是所徧知如近遠隣逼非隣逼和合非

和合應知亦亦復次契經惟依觀共相慧說  
苦聖諦是應徧知阿毗達磨摠依觀自相共  
相慧說一切法是所徧知如自相共相慧自  
相共相覺自相共相作意應知亦亦復次契  
經惟依不共慧說苦聖諦是應徧知阿毗達  
磨摠依共不共慧說一切法是所徧知復次